

INFORME DE XESTIÓN
Unión de Cooperativas Espazocoop

1. EVOLUCIÓN DOS NEGOCIOS E SITUACIÓN DA ENTIDADE

De acordo cos artigos 73 e 134 da vixente Lei de Cooperativas de Galicia, o Consello Reitor presenta o informe de xestión adxunto, o cal contén unha exposición fiel sobre a evolución do negocio, e a situación da Unión de Cooperativas.

A evolución dos negocios da Unión de Cooperativas Espazocoop foi a seguinte:

Sendo o ano 2017 o primeiro ano de funcionamento de Espazocoop, resultado da fusión de tres entidades (UCETAG, UGACOTA e SINERXIA), os datos comparativos do exercicio 2018 co exercicio anterior son os seguintes:

Ingresos Totais

Ano 2.018 457.385,81 €

Ano 2.017 479.924,18 €

Variación -4,70%

Ingresos extraordinarios

Ano 2.018 1,36€

Ano 2.017 3.064,63 €

Variación -99,95%

Esta diminución dos ingresos, por outra banda xa prevista, ten a súa orixe na redución de axudas públicas, nomeadamente as recibidas do Concello de A Coruña, a Consellería de Economía e Emprego para gastos de actividades de fomento da Rede Eusumo e dos ingresos do Proxecto Poises.

O resultado de explotación veuse minorado significativamente pola devolución da subvención do Concello de A Coruña e pola inspección tributaria realizada que conlevou a unha devolución de IVE e cambios nos criterios de dedución no IVE correspondente a formación que xera un gasto non deducible.

Este resultado de explotación permítenos chegar a coñecer o CASH FLOW xerado pola sociedade no ano 2.018 que é:

Ganancia de Explotación 0 €

Amortizacións 750,47 €

INFORME DE XESTIÓN
Unión de Cooperativas Espazocoop

Provisións	0,00 €
Saldo de CASH FLOW	<u>750,47 €</u>

Os gastos de explotación do exercicio soportados teñen variado segundo o seguinte cadro:

	Ano 2018	Ano 2017
Aprovisionamentos	0,00€	0,00 €
Outros gastos Explotación	153.799,01 €	163.277,21 €
Gastos de Persoal	315.555,94 €	311.539,31 €
Gastos Financeiros	3.280,44 €	2.215,69 €
Amortizacións	750,47€	2.003,19 €
TOTAL GASTOS	473.385,86 €	479.035,40 €

A redución de ingresos reflectida nos parágrafos anteriores, vese compensada coa diminución de gastos, especialmente os referidos a outros gastos de explotación con reducións moi significativas.

A estrutura económica e financeira da Unión de Cooperativas é a seguinte:

A C T I V O	S A L D O	%
A) ACTIVO NON CORRENTE	7.338,54	1,86
B) ACTIVO CORRENTE	<u>287.681,04</u>	<u>98,14</u>
TOTAL ACTIVO (A+B).....	295.019,57	100,00
 P A S I V O	 S A L D O	 %
A) PATRIMONIO NETO	131.962,16	44,73
B) PASIVO CORRENTE	<u>163.057,41</u>	<u>55,27</u>
TOTAL PATRIM.NETO PASIVO(A+B+C).....	295.019,57	100,00

INFORME DE XESTIÓN

Unión de Cooperativas Espazocoop

Os fondos propios da Unión de Cooperativas Espazocoop representan un 44,73% sobre o total do pasivo. O fondo de manobra é positivo en 124.623,63 €. Ambos ratios indican unha situación financeira saneada.

2. EVOLUCIÓN PREVISIBLE DA SOCIEDADE.

A Unión continúa na liña de ofrecer servizos de calidade ás cooperativas socias e grupos promotores de cooperativas, ao abeiro de distintos programas financiados con fondos públicos, entre os que cabe destacar os promovidos pola Consellería de Economía e Emprego, tanto para actividades da Rede Eusumo como para gastos de funcionamento, o programa LACES (Interreg VA) e o programa POISES (FSE). O longo período de cobro deste tipo de programas vai condicionar o incremento de financiamento alleo para facer fronte as necesidades de tesourería da entidade.

Continuamos na procura de novas cooperativas , co obxecto de gañar representatividade cada ano e mellorar o autofinanciamento e afianzar así a actividade e o crecemento da entidade. O exercicio económico 2018 non foi favorable nos resultados contables, pero tendo en conta os gastos extraordinarios alleos a entidade, espérase ter no seguinte exercicio mellores resultados .

3. ACTIVIDADES EN INVESTIGACIÓN E DESENVOLVEMENTO.

Non existe un departamento específico destinado á investigación e desenvolvemento. Durante este exercicio non está previsto realizar ningunha actividade específica en materia de investigación e desenvolvemento, máis aló de novos programas formativos, unidades didácticas ou ferramentas de xestión ao abeiro dos distintos programas.

4. ADQUISICIÓNS DE ACCIÓNS PROPIAS.

Como aparece reflectido na memoria, a Unión non efectuou ningunha adquisición de accións propias durante o exercicio.

INFORME DE XESTIÓN
Unión de Cooperativas Espazocoop

5. ACONTECEMENTOS IMPORTANTES PARA A UNIÓN OCORRIDOS DESPOIS DO PECHE DO EXERCICIO.

Dende o peche do exercicio non se produciron feitos de relevancia ou transcendencia que poidan incidir nos resultados da entidade no presente exercicio.



Sinaturas Consello Reitor
Marzo 2019